

սէ . սոքա եղեալ են 'ի մտի առնուլ 'ի ձէնջ 4500 քսակն
 և չկատարել զգործն ձեր . զի Յոյնք 'ի ձեռն արոց դար-
 ձուցեալ են զգործն 'ի կողմն իւրեանց և ես վասն այսր
 կռուեցայ ընդ Բդեշխին եւ ընդ Երկրորդին՝ և մեկնեցայ
 իսկ 'ի պալատէն . զկնի աւուրց ինչ դիմել 'ի Կոստանդի-
 նուպօլիս , և անդ զոր ինչ արժանն է արարից . զի երկուս
 հրամանագիրս ետ սակս գործադրութեան հրովարտակին ,
 և ինձ առանձին պատուիրեաց կատարել զխնդիր Բեթղե-
 հէմի և Աստուածածնի , եթէ տայցեն ինձ այսքան , այժմ՝
 մասն ինչ եւս յաւելիք դուք 'ի վերայ . այլ նորա չկատա-
 րեալ զգործն , դարձաւ 'ի կողմն Յունաց ընդդէմ՝ հրա-
 մանի Արքային . և թէ ո՛վ խառնակեալ շիթեաց զգործն .
 նա տայցէ պատասխանի . Եւ յաղաչել Վարդապետաց լինիլ
 միջնորդ առ Քեահեայն . նա հրաժարեալ ասէ՝ 'ի կոչել
 նորա օգնեմ ձեզ իբրեւ բարեկամ : Եւ գնացին անտի առ
 Քեահեայն , և տեսին զԹարգմանն Յունաց 'ի սենեակ Հը-
 րէին . ողջունեալ նստան , և բերեալ Հրէին զգրեանս ետ
 ցԹարգմանն , և նորա առեալ ուրախութեամբ մեկնեցաւ .
 եւ մտեալ Վարդապետաց առ Քեահեայն օղաչէին զնա ,
 և նա ասէ չիք հնար այդմ , այժմ՝ ընդ Հրէին աղաչեցաք
 զԲդեշխն , ոչ լուաւ , և 'ի կրկնել նոցա զաղաչանս՝ բար-
 կացեալ՝ դառաւելն խնդրէր , եւ ոչ մատուցանէր ունին
 բանից նոցա . և յերկարիլն վերստին առաքեաց զՀրէայն
 առ Բդեշխն , եւ սա դարձեալ երեր զայս պատասխանի ,
 50 քսակն շնորհեալ , 4500 հատուցանել այժմ , և ոչ նե-
 րէր նոցա գրել յԵրուսաղէմ : Նեղեալ աստի Վարդապե-
 տաց՝ ասեն ցՀրէայն , ո՛յր աղագաւ պահանջէ 'ի մէնջ
 Բդեշխն զայսքան դրամս . մինչդեռ ըստ կամաց Յունաց
 ետ զամենայն գրեանս , եթէ կամի տուգանել զմեզ՝ ցուց-
 ցէ գլանցանս մեր . զի հրամանաւ նորին եկեալ եմք : Եւ
 նա ասէ՝ Յոյնք 'ի ձեռն բազմագումար արոց առին զեր-
 կուս հրամանագիրս վասն Բեթղեհէմի եւ Աստուածածնի
 մնալ ըստ առաջին կերպին , և չթողուլ Հայոց առնել ինչ
 մինչ ցգալուստ նոր հրամանի , եւ գիր մի եւս առանձին
 առ Քաղաքապետն Երուսաղէմի լինիլ պաշտպան Յունաց
 և գործոց նոցին զի մի նեղեացին յումեք : Բաց յայսցանէ
 խոստացան բազում ինչ վասն քակելոյ զԼուղաբերից սեղանն